



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-2110/18
Datum: 09.11.2018. godine

**OPĆINSKO VIJEĆE
T E Š A N J**

PREDMET: Informacija o efektima Odluke o javnom redu i miru

Na 21. sjednici Općinsko vijeće Tešanj je donijelo Zaključak kojim se Općinsko vijeće i Općinski načelnik obavezuju da u narednih 90 dana preispitaju efekte Odluke o javnom redu i miru. Imajući u vidu navedeno, nadležna Služba je pristupila analizi odredbi predmetne Odluke, te je u tom smislu zatražena informacija od Policijske uprave Tešanj o narušavanju javnog reda i mira u ugostiteljskim objektima na području općine Tešanj u smislu provođenja odredbi Odluke o javnom redu i miru i Odluke o radnom vremenu u određenim djelatnostima na području općine Tešanj. Podaci su traženi za mjesec juli, avgust i septembar 2018. godine.

Analizirajući dostavljenu Informaciju Policijske uprave Tešanj, o narušavanju javnog reda i mira u ugostiteljskim objektima na području općine Tešanj za period juli-septembar ove godine konstatovano je sljedeće:

- nije bilo kršenja odredbi Odluke o radnom vremenu ugostiteljskih objekata u smislu produženog radnog vremena,
- ukupno je zabilježeno 14 slučajeva narušavanja javnog reda i mira u ugostiteljskim objektima u smislu provođenja odredbi Odluke o javnom redu i miru, od čega u mjesecu julu 6, avgustu 5 i septembru 3.

U svrhu nadzora nad primjenom Zakona o zaštiti od buke te unapređenja stanja u navedenoj oblasti. Općina Tešanj je za potrebe komunalnog inspektora i potrebe službenika PU Tešanj nabavila po jedan mjerač nivoa buke. Navedena oprema je stavljena u funkciju te u cilju pripreme kvalitetnije Informacije, od strane komunalnog inspektora su izvršena i kontrolna mjerenja buke na javnim površinama ispred pojedinih caffe-barova i disko klubova u Jelahu. Na osnovu nalaza izvršenog mjerenja utvrđeno je da nisu prekoračeni vršni nivoi buke dopušteni važećim zakonima o zaštiti od buke. Bitno je naglasiti da su kontrolna mjerenja vršena na javnim površinama (trotoarima) ispred ugostiteljskih objekata u momentu intenzivnog saobraćaja i kretanja ljudi te izvor buke nisu samo akustični uređaji iz caffe-barova i diskoteka.

Analiza efekata navedene Odluke je vršena i ranije u više navrata. Na 11.sjednici Općinskog vijeća Tešanj koja je održana 29.09.2017.godine postavljeno je vijećničko pitanje koliko je bilo narušavanja javnog reda i mira u 2015. 2016. i 2017. godini, zbog mogućeg preispitivanja odluke o Javnom redu i miru. Prema podacima dostavljenim od strane Policijske uprave Tešanj, broj evidentiranih narušavanja javnog reda i mira u ugostiteljskim objektima u 2015. godini je iznosio 12, u 2016. godini 15 i u 2017. godini 13. Na osnovu dostavljenih podataka te analize istih nije tražena potreba za daljim preispitivanjem Odluke imajući u vidu broj narušavanja javnog reda i mira.


Općina Tešanj je ranijih godina u kontinuitetu vršila analizu podataka o narušavanju javnog reda i mira i Informacije o stanju bezbjednosti na području općine Tešanj, te u skladu s tim poduzimala određene aktivnosti u ovoj oblasti. S tim u vezi izvršena je izmjena Odluke o radnom vremenu u određenim djelatnostima na području općine Tešanj kojom je jedino ugostiteljskim objektima vrste

„disco klub“ dozvoljeno duže radno vrijeme, odnosno do 2,00 sata ujutro. Služba za finansije, privredu, komunalne i inspeksijske poslove Općine Tešanj nije izdavala odobrenja za produženo radno vrijeme ugostiteljskim objektima u kojim su evidentirana narušavanja javnog reda i mira. Izmjenama i dopunama Odluke o javnom redu i miru koju je Općinsko vijeće usvojilo na 21. sjednici održanoj dana 26.07.2018. godine, pooštrene su kaznene mjere kako bi se preventivnim djelovanjem spriječilo kršenje zakonskih propisa koji regulišu predmetnu oblast.


Imajući u vidu sve naprijed navedeno, analizirajući statistiku i broj narušavanja javnog reda i mira, rezultate kontrolnih mjerenja nivoa buke na terenu, smatramo da trenutno nema potrebe za izmjenama Odluke o javnom redu i miru. Općina Tešanj će u kontinuitetu nastaviti pratiti stanje u ovoj oblasti te shodno tome predlagati određene mjere prema Općinskom vijeću.

OBRADIVAČ

Služba za finansije, privredu, komunalne i
inspeksijske poslove
Hamzaliya Hojkurić, dipl.ecc




OPĆINSKI NAČELNIK




Mr. sci. Suad Huskić

SL451 - Club 1



SL451 - Club 2



SL451 - Club 3

